



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԱՐԱՐԱՏԻ ՄԱՐԶ
ՎԵՂԻ ՀԱՄԱՅՆՔ

ք. Վեդի

29 մարտի 2024թ.

ԱՐՁԱՆԱԳՐՈՒԹՅՈՒՆ

ՀՀ Արարատի մարզի Վեդի համայնքի Վեդի քաղաքային բնակավայրի 36, 38, 40, 41, 42, 43, 45, 46, 49, 49/2 բազմաբնակարան շենքերի բազրիքների ձևավորման և արդիականացման նախագծի վերաբերյալ իրականացված հանրային լսման

2024 թվականի մարտի 29-ին, ժամը 16:00-ին Վեդու համայնքապետարանի նիստերի դահլիճում (ք. Վեդի, Թումանյան 6), տեղի ունեցան ՀՀ Արարատի մարզի Վեդի համայնքի Վեդի քաղաքային բնակավայրի 36, 38, 40, 41, 42, 43, 45, 46, 49, 49/2 բազմաբնակարան շենքերի բազրիքների ձևավորման և արդիականացման նախագծի վերաբերյալ հանրային լսումներ:

Հանրային լսմանը մասնակցում էին Վեդու համայնքապետարանի աշխատակազմի ներկայացուցիչներ՝ այդ թվում վարչական ղեկավարներ:

Հրավիրված հանրային լսումները վարում էր Վեդու համայնքապետարանի աշխատակազմի քարտուղար՝ Հրայր Ստեփանյանը

Հանրային լսումների ընթացքը արձանագրում էր աշխատակազմի Քաղաքաշինության և հողաշինության բաժնի գլխավոր մասնագետ Գևորգ Պետրիկյանը

1. Հանրային լսման օրակարգի թեման էր՝

ՀՀ Արարատի մարզի Վեդի համայնքի Վեդի քաղաքային բնակավայրի 36, 38, 40, 41, 42, 43, 45, 46, 49, 49/2 բազմաբնակարան շենքերի բազրիքների ձևավորման և արդիականացման նախագծի քննարկումը

Համայնքի ղեկավարի կողմից առաջարկված ՀՀ Արարատի մարզի Վեդի համայնքի Վեդի քաղաքային բնակավայրի 36, 38, 40, 41, 42, 43, 45, 46, 49, 49/2 բազմաբնակարան շենքերի բազրիքների ձևավորման և արդիականացման նախագծի վերաբերյալ ելույթով հանդես եկավ Վեդու համայնքապետարանի աշխատակազմի քարտուղար Հրայր Ստեփանյանը, ով ողջունելով հանրային լսման մասնակիցներին՝ առանձնահատուկ կարևորեց հանրային լսումների միջոցով համայնքի բնակիչների մասնակցությունը տեղական ինքնակառավարմանը ապահովելու անհրաժեշտությունը:

Աշխատակազմի քարտուղարը նշեց, որ հանրային քննարկումը կազմակերպվել է Վեդի համայնքի ավագանու 29.06.2022 թվականի N 69 որոշմամբ հաստատված՝ «Հայաստանի Հանրապետության Արարատի մարզի Վեդի համայնքում հանրային բաց լսումների և (կամ) քննարկումների կազմակերպման և անցկացման կարգը»-ի դրույթների համաձայն: Հավելեց, որ հանրային քննարկման մասին հայտարարությունը նախապես տեղադրվել է Վեդու համայնքապետարանի պաշտոնական կայքէջում,

ինչպես նաև բնակիչների իրազեկումը կատարվել է նաև համայնքի կազմում ընդգրկված բնակավայրերի վարչական ղեկավարների միջոցով:

Պարոն Ստեփանյանը հրավիրված հանրային քննարկման ներկայացված հարցի ներկայացման համար ծայնը տվեց աշխատակազմի քաղաքաշինության և հողաշինության բաժնի գլխավոր մասնագետ Նորիկ Վարդանյանին, ով ներկայացրեց ՀՀ Արարատի մարզի Վեդի համայնքի Վեդի քաղաքային բնակավայրի 36, 38, 40, 41, 42, 43, 45, 46, 49, 49/2 բազմաբնակարան շենքերի բազրիքների ձևավորման և արդիականացման նախագիծը, նշելով, որ նշված ծրագիրը ընդգրկված է համայնքի կողմից ՀՀ կառավարություն ներկայացված 2024 թվականի ՀՀ համայնքների տնտեսական և սոցիալական ենթակառուցվածքների զարգացմանն ուղղված սուբվենցիոն ծրագրերում:

Ն.Վարդանյանը նշեց նաև, որ նշված ծրագրի իրականացման հայտը արդեն իսկ ներկայացվել է լիազոր մարմնին և հայտին ընթացք տալու համար անհրաժեշտ է միայն իրականացվող ծրագրի վերաբերյալ իրականացված հանրային լսման վերաբերյալ կազմված փաստաթղթեր, որը սահմանված կարգով կներկայացվի լիազոր մարմնին:

Նախագիծը ներկայացնելուց հետո խոսքով հանդես եկավ Նոր Ուդի բնակավայրի վարչական ղեկավար Սևակ Առաքելյանը, ով նշեց, որ համայնքում ցանկացած նման նախաձեռնություն ողջունելի է համայնքի բնակիչների կողմից և իրենք կողմ են նմանատիպ ծրագրերի իրականացմանը, քանի որ նմանատիպ ծրագրերի իրականացումը Վեդի համայնքում, հատկապես Վեդի քաղաքային բնակավայրում նոր շունչ են տալիս բնակավայրին՝ վերջինիս հաղորդելով նոր գեղագիտական տեսք: Մասնակիցները ափսոսանք հայտնեցին, որ հրավիրված հանրային քննարկումներին չէին մասնակցում նշված բազմաբնակարան շենքերի բնակիչները:

Չնայած դրան, մասնակիցները վստահ էին, որ նշված նախաձեռնությունը ևս դրական արձագանքի կարժանարար նաև նշված շենքերի բնակիչների կողմից, որոնց խոսքը և կարծիքը կարող էր էլ ավելի մեծ նշանակություն ունենալ նշված ծրագրի իրականացման աշխատանքները արդյունավետ կազմակերպելու գործում:

Հանրային քննարկման ներկայացված՝ ՀՀ Արարատի մարզի Վեդի համայնքի Վեդի քաղաքային բնակավայրի 36, 38, 40, 41, 42, 43, 45, 46, 49, 49/2 բազմաբնակարան շենքերի բազրիքների ձևավորման և արդիականացման նախագիծը հավանության արժանացավ քննարկմանը ներկա մասնակիցների կողմից:

Ամփոփելով հանրային քննարկման արդյունքները, աշխատակազմի քարտուղար Հ.Ստեփանյանը հայտարարեց հանրային քննարկման ավարտ:

ՀԱՄԱՅՆՔԻ ՂԵԿԱՎԱՐ՝

Գ.ՍԱՐԳՍՅԱՆ

ԱՇԽԱՏԱԿԱԶՄԻ ՔԱՐՏՈՒՂԱՐ՝

Հ.ՍՏԵՓԱՆՅԱՆ

Արձանագրող՝

Աշխատակազմի քաղաքաշինության և հողաշինության բաժնի
գլխավոր մասնագետ՝

Գ.ՊԵՐԻԿՅԱՆ

